

Des Lebn is wie a Obstsalat

Leuchtende Babyaugen
Strahlen die Frau o, die es hoit
A verwelkter Blumestrauß auf 'n Tisch
A Hund, der lauthois bellt

Schweißnasse Gesichter
Die Körper rhythmisch Haut auf Haut
Unten am Fluss radeln Leut'
A oida Mo, der aufs Wassa schaut

Des Lebn is wie a Obstsalat
Manches is sauer, manches siaß
Schmeckt wunderbar und bis du di umschaust
Is ois weg, Dankscheen und Tschüss

A Eieruhr die klingelt
Du riachst Kaffee und frisches Brot
Doch koa Zeit für a Frühstück
Für koan Kuss, koa Morgenrot

A Mensch, der dir ganz nah ist
Is auf amoi so weit entfernt
Und Blicke die si' nimma kreuzen
Die Liebe irgendwie verlernt

Des Lebn is wie a Obstsalat
Manches is sauer, manches siaß
Oft häst du gern no a bisserl wos
A boar Erdbeer'n, a boar Nüss

Des Lebn is wie a Obstsalat
Manches is sauer, manches siaß

**Oft häst du gern no a bisserl wos
A boar Erdbeer`n, a boar Nüss**

**Des Lebn is wie a Obstsalat
Manches is sauer, manches siaß
Schmeckt wunderbar und bis du di umschaust
Is ois weg, Dankscheen und Tschüss
Is ois weg, Dankscheen und Tschüss
Is ois weg, Dankscheen und Tschüss**